



QUÆSTIO MEDICA.

QUOD LIBETARIIS DISPUTATIONIBUS MANE DISCUTIENDA

IN SCHOLIS MEDICORUM. DIE JOVIS XXVII. JANUARIi MDCCXXIV.

M. JOANNE-DAMIANO CHEVALIER, DOCTORE MEDICO, PRÆSIDE.

An Pests curatio ex Symptomatis

IN curandâ Peste, hanc sequere quam Natura monstrat medendi viam, non quam tibi fingis Systematis artifex. Systema plerumque delirantis animi somnium, non vera Naturæ indagatio. Cautus sit Medicus in scrutandis causarum arcanis, quæ Natura celari voluit. Infidas dum scaturumbras, falsa veritatis imagine captus, captabit pro Junone nubem. Quid inde? Ut meditantem malus abstulit error, sic medentem peior deludit. Oeconomiam animi fulcitur medendi methodus. Hac non à devio, dubiis, falsisve rationibus, sed aut à Naturâ lædenti, aut à nocendi modo indicationes mutantur. Essentia rei quæ lædit cognitio, ut ad curationem minimè necessaria, sic ingenii vires pluribus in morbis longè superat & vincit. Quis Tarantismi, rabiei, luis veneræ, variolarum, imò febrium intermittentium naturam scientiâ assecutus est? Hi tamen morbi satis feliciter curantur. Tarantismus choreâ; rabies balneo marino, vel quibusdam specificis; mercurio lues veneræ; febres intermittentes cortice peruviano. Cura variolarum opus non raro Naturæ: hæc tamen sæpius auxiliatrix manus posulat, quæ conatus suos adjuvet, non antevergat, crisiâ expectet, non promoveant maturiâ, aut futuram non sufflamment. Pests (ex horum censu morbus) nequidem ipsa curationem renuê, si desumantur indicationes ex iis quæ venenatæ luis nocendi modum dèregunt.

PESTIS quo vel solo nomine horret animus, mortalique contremiscunt pectora, omnium morborum truculentissimus, acutissimus, maximè contagiosus, febre, bubone, *amirace*, *exanthematis* id genus horrendis stipatur. Ejus quæ sit causa, Natura, latuit usque. (a) In homine generari virus pestilens non modo ex humorum putredine, sed ex solo mali terrore, quidam affirmant, (b) plures negant. (c) Plurimi & putrefaciens veneno subtili per aëra vagante pestiferæ luis causam repetunt. At undenam aëri lethiferum inquinamentum? Lis sub Judice. Alii hanc labem à Deo vindicæ immitti, (d) alii à malignis siderum influviis, (e) alii à tempestatum crisi constitutionibus, alii denique à terribidissimæ terræ, aquarum, cadaverum (f) exhalationibus produci asserunt. Horum qualibet opinio nonnullâ veritatis speciem exornatur; nulla certis & inconcussis stabilitur argumentis. A Deo creati pestiferam lucem ex aliarum opinionum refutatione potius inducitur, quam genuinis & propriis probatur rationibus. Malignos esse fidem influxus suspicari, nimis credulitatis est. Ut aëris fervores maximos, ventos australes, five siccos, five humidos, nullæ Pests exceperunt; sic absque aëris inclementiâ Pestem infecunt, imò mensibus Decembri, Januario, Februario grassantur, & æstivis calidioribus solutam fuisse notum est. (g) Exhalationes post terræ motum ex ipsius sinu erumpentes venenatæ, non pestiferæ. Ambientem tantummodo aërem vitiant. Atlantes suffocantur; sed non pestilentibus symptomatis cruciati intereunt: nemini contactu, halitu morbosum virus communicant. Aquarum putridis exhalationibus imbutum aërem pestiferam vim inducere posse quis æstimaverit? Plurimis in locis quæ peste rariùs infestantur, sæpius aquæ corruptæ fetorem expirant intolerabilem. (h) Nilus quot annis longè lateq; diffusæ terram obducit limo, piscibus, crocodilibus, aliisque monstris refoeto, quæ aquis delibuta computrescunt. Non inde tamen emergit pestifera lues Ægypto noxia. Omnibus ferè mensibus contagio forniciscit adehuit; inundationis tempore, calidissimâ, austriâ, inaequali tempestate omnino definit (i). Verùm si pestis in Ægypto ex effusione Nili, in Syriâ & Barbariâ undenam ortum ducit? A Solis ardore? Cur illi Æthiopi oraque Nigri fluvium accolit peste immunis est (k)? Quid si Boreales plage non minis peste infestantur quàm Sole nimio ferventes? Illarum Mercatores, inquit, è regionibus torridis merces asferunt inquinatâ, ipsi sæpius infecti redeunt. Commentum, E variis, ne dicam omnibus orbis partibus in finatam regnum confluent omnis generis negotiatoribus, qui sit ut nunquam contagium forniciscit accedat, sicut è proprio regni sinu emergit nunquam (l)? Cadaverum exhalationes magnam habere vim ad pestem generandam, omnium ferè est effatum. At non semel post magnas strages cadaverum inhumatorum putredine nullas pestes induxit. (m) Non ergo magis nota pestis origo quam ipsius natura. Quid igitur in tanta rerum caligine statuendum? Suâ quique hypothesi delectetur; nil moreris; veneni novèris effectus, hos indicant symptomata.

(a) Barthele de peste. Diemerbroeck de peste. Sydenham de peste. Joannes Riolanus de albidis rerum causis. (b) Fridricus Hofmannus de peste. Virgilius de peste. (c) Vide Diemerbroeck, ibid. (d) Joannes Pistorius, Platerus, Diemerbroeck. Fernellius, (e) Fernellius, Sennerius, Quercetanus, Follius. (f) Fracastorius, Riverius, Fridericus Hofmannus de generali medendi methodo, c. xix. (g) Fernellius de albidis rerum causis, lib. 2. c. 12. 13. Radicivius in itinere, Morellus de febre purpurata. Diemerbroeck de peste, c. viii. probl. vi. (h) Fridericus Hofmannus de peste. Profer Aliquos de Medicis Ægypti. (i) Scaliger. Diemerb. c. viii. probl. 11. (l) Triguinus. Diemerb. ibid. (m) Diemerbroeck, lib. 1. c. viii. problem. xv.

SYMPOMATUM quicumque aut pluribus simul ex veneno pestilenti nascentibus occurrere vel mederi satagis? Inducatur ea quæ non minis morbo adveniantur quàm symptomata. Ipsi morbo decernis curationem? Quam tandem? Missionem sanguinis? Hanc quidem profuissè multorum observationibus constat (a): verum & nocuisse innumeri testantur (b). Cave igitur hujus utilitatem æstimes cuiusquam auctoritate & exemplis. Insipie non quis fecerit, sed cur & quo exitu. In peste sanguinem Medici detraxerunt, & non miserunt magni nominis (c). De adhibendis fugiendi v. purpurantibus, cum veteribus veteres, cum recentioribus recentiores decertant armis æqualibus; hinc dictio venæ sectionis & purgationis ulum salutarem aut infantum, non ex ipsâ morbi naturâ, sed ex veneni effectibus judicandum. Ad alexicaria confugies? Quænam? Non sunt ejusdem virtutis. Alia *absorbentia*, alia *sudoriferorum*, alia *anodynorum*, alia *refrigerantium* vice funguntur. Hac promiscuè & indiscriminatim præscribere summe esse ignorantie. Quid ergo hujus vel illius ulum fudebit? Quinam sint pestiferi toxici effectus attende. Non idem in omnibus. Quidam valentibus omnino finibus subito occumbunt. Alii sine febre sensibilibus bubones & anthracis passi evadunt. Ut plurimum tamen horrore corripiscunt morbo febre. Febris comites plerumque sunt & ascescunt pactiones & anxietates præcordiorum Lingue siccitas adest, quandoque nigredo. Rubent aures tinnitui, sibilo, nonnunquam furditate. Sitis in quibusdam aspera, in aliis levis, aut nulla. Hos æstus vehementer uti, illos nullus alio molestat. Dolores capitis rariùs adest pungunt, sæpius gravati lædo affigunt. Vigilii, delirium, convulsus subtilibus ali cruciantur, aut aspera gravi premuntur. In quibusdam pulsus est validus & naturali penè similis; in aliis parvus, creber, modo aequalis, inaequalis modo, quandoque intermittens. Sunt in quibus vires ab initio protrantur; sunt in quibus robustæ perseverant ad mortem usque. *Urimam* si insperseris, modo naturalis apparet, modo rutilans & ignea, modo cruda & tenuis aliquando etiam turbida. In eodem ægro nonnunquam hæc eadem die subit mutationes. Multi frequentes pariantur alvi dejectiones, crudas, admodum ferentes, confusas, modo viridis, modo crocci coloris, interdum icætenes vermicibus. Haud infrequenter læditur ventriculi singultu, nausæ, vomitu bilioso, seridissimo. Sudores in his pauci aut nulli, in illis copiosi, in nonnullis graveolentes, coloris (nitrum dictu) varii, citrini, purpurei, viridis, nigri, & vetul sanguinolenti (d). Huic symptomatum liliad non raro accedit narium, oris, oculorum, aurium, penis, uretri, (malis plerumque omnis) Hemorrhagia. Vultus alius pallidus, alius erysipelaceus, plurimis sanorum color non multum absimilis. In locis glandulosi tumores exoriantur bubones, parotides. In ceteris corporis partibus exilis modo pustula, sæpe plures simul juncatæ sensim in molem assurgunt majorem modo, modo minorem. Hujus pars superior ex omnibus vesiculis in unam coeuntibus constat vulgo carbonem extinguntur, quandoque vesculam ichore nigricante plenam; pars subjecta quasi *cauterio* inusta colorem acquirit vel cinereum vel nigrum: tumoris ambitus obscuro rubore splendet: Latini carbunculus, Græcis *αἰσθή* dicitur: res eadem, diversa nomina. Insuper maculis purpureis, nigris, violaceis, rubeis paucis modo, modo multis, angustis aut latis, at ferè semper exacte rotundis pars aliqua corporis, vel totum corpus conspergitur. Hac ferè sunt luctuosissimi morbi symptomata. Ex his variè ludentibus, ut hostis ferentis intus vires, & vias, fraudesque solers deprehendat Medicus, sic quibus auxiliis debellandus sit intelliget.

(a) Sydenham de peste, p. 70. Morellus de peste. (b) Fridericus Hofmannus. Fernellius, Riverius, (c) Celsus. Raza, Joann. Riolanus. Frid. Hofmannus. (d) Fridericus Hofmannus. Dissert. de peste.

FEBRIS adest? Hanc effe memento Naturæ conamen. Hujus nonnunquam salutaris conatus, sæpe irriti, Salutaris habet si venenum per sudores eliminatur, vel in bubones adigitur, utrumque cum ægri levamine. Hanc finendam aut juvandam edocent reliqui morbi qui per cutaneas eruptiones judicantur. Variolæ, morbilli, petechiæ ritè procedunt? Sanguinem mittere, corpus vacuare, fovere, refrigerare nefas est; totum opus Naturæ committendum benè consulenti. Eo sanctiùs præceptum quod in hoc morbo vel levissimum peccare, ægrum jugulare sit. Accedunt febri vel ipsam concomitantur jaçtationes anxie, dolores capitis lancinantes, vigiliæ, deliria, calor urens? Magnam venenati miasmatis partem ad præcordia, ad cerebrum expelli intelligito. Hinc pungi, convelli nervosum genus, vasa corrugari, sanguinis circuitum retardari. Tunc, præsertim si plethora sit, sanguinis missione è brachio, è pede opitulaberis. Procul absint cardiaca dicta, alexipharmaca, aliaque Naturæ tormenta. Sit victus parcius ex jussulis temperatis; potus tenuis & multus ex aqua, aut *prismani*, acidulata. Nitratis & camphoratis tumultuantes succos, irritata solida pacare studeas. Hac arte redintegrato sudorem circuitui à venenato miasmate sese facilius expediet Natura. Non eundem veneni effectum sopor indicat. Ex pulsû discrimen. Debilis est aut tardus? Narcotico imbuta toxico solida cogitabis. Nonum cardiacis emetico mixtis motum exsuscitare enitor; sed parce sanguini. Pulsus est fortis, durus, & celer? Aut adest plethora, aut nimia sanguinis effervescencia, tum audacter sanguinem mittas. Non sint tibi fraudi diarrhæa frequentesque alvi dejectiones, hæ non Naturæ opus sed veneni intestina stimulantis. A quovis purgante caveto. Enematis, sed demulcentibus, si quid est saburræ detrahas, & consulas viribus. *Diaphoreticis*, prout febris sinit, & *absorbentibus* virus debelles. Nausea & vomitus in primo morbi insultu vexant? Ventriculum pungit, commoveat, subvertit aura venenata: Sirecens fuerit cum aëre, salivâ, alimentivæ haulta, emetico propines. Serius adhibitum nocebit. Delapsum jam in intestinis chylum antequam vasa subierit per inferiora deturbare properabis: demum superfluis veneni sudoriferis eliminatio tentanda. At quæ vigente morbo cruciant, interclusi & à corporis *peripheriâ* retrogradi sanguinis argumenta nauseas esse memineris. Hos morbi impetus emulati facinorosum. Ni venam, secueris sanguis devius, cæterique liquores sua non relogent itinera: amicum non redintegrabitur solida inter & fluida commercium. Detractione sanguinis venenatam qualitatem imminui, detrahi, expelli quis neget nisi æconomie animalis planè nescius? Enim verò nocentis toxici eliminationem molitur Natura: obices ponit ejus moribus succorum redundantium copia, aut in vasis minoribus tarditas, vel stagnatio: Hos ut circumagat acrius ferit: Succi non obsecundantur? Vasorum diametros violant, apices aperiunt, erumpunt quâ data porta; si per vias naturales, & debita quantitate, cum bonis ægri rebus; secus, cum vitæ dispendio, aut saltem summo discrimine. Mature sanguinem detrahis? Sublatâ resistentiâ placidè vasorum oscillationes peragentur; æquabili circuitu liquores in propriis circumferentur alveis, & morborum medicatrix natura venenatam auram aut per sudores abiget, aut in colatioris deponet. Qualescunque igitur hæmorrhagias non perinde suspectas habueris. Copiosissimo sæpe sanguinis è naribus fluxu morbus judicatur. Quæ suo tempore sunt *causamenta* finenda: si liberalius flunt cum virium dejectione, venæ sectione, aut absorbentibus, aut utrique cohibenda. Qui per alias vias erumpit sanguineus latex revocandus, sistendus.

INTER hujus pessimi morbi symptomata referri solent bubones, *parotides*, carbunculi seu *anthraces*, petechiæ; excretiones veriùs criticæ. Bubonibus sæpè, rariùs carbunculis, rarissimè petechiis morbus judicatur. Ejus rei rationem si quæras, accipe. Quicquid à centro corporis ad ambitum movetur, continetur arteriis. Hæ instar coni efformatæ crassiores particulas versus apicem propellunt. Quæ enim hinc, inde hiant in arteriis venularum orificia, arctiora sunt arteriæ diametro. Motui aptiores sanguinis arteriosi particule venularum ora subeunt, densiores versus acumen urgentur. Huc appulsæ veneno turgidæ, si glandulas nanciscuntur, lymphatici liquoris affusione, quo madent harum extremitates spongiosæ, nonnihil miscelunt, & ad suppuracionem disponuntur. Dein bubonis apertione datâ viâ ichor virulentus effluit. Novo sanguine eadem arterias subeunte, per sentinam expurgatur quicquid inest miasmatis lethifero vitium. Pars interea sanguinis, cordi redditur, veneni purior. Sic sensim iteratis circuitibus sanguinis massa defæcatur, purgatur. Si autem apices arteriarum in quibus volvitur sanguis impurus in musculosas aut membranosas partes desinunt; hujus caustica virtus nihil demulsa in pus abit difficilis, sed partes quibus insidet adurit, & vicinas serpendo depascit. Deinde obductâ partibus exsitis crustâ duriori, perspirationis viæ occluduntur. Per carbunculum virulentæ materiæ minis protruditur quàm per bubonem; donec ulcere factò eidem pareatur exitus. In plures simul arteriarum ramulos sæpè magna perniciosi miasmatis copia dispergitur. Tunc omnes ferè in his contenti sanguinis dissociatæ particule lentescunt, hærent, maculis varii coloris conspiciunt. His extrudendis si par est Natura vincit, impar vincitur. Laboranti Naturæ adlaborare satagis? Duriore sanguinis diluæ particulas ejusmodi videlicet potulens quæ solidorum oscillationes fovere naturales, debiliores augere, fortiores lenire queant. Bubones & anthraces Arte chirurgicâ sanandi. Imperfectam crism arguunt aut permanentia aut non valde remittentia post quamlibet eruptionem symptomata. Tunc aliàs mitius tractandi bubones. *Box* scalpello aut *cavertio* aperiendi, vel vesicatoris proliciendi. Carbunculi verò progressus inhibendi: substantia emortua quàm citissimè fieri potest separanda. In utroque tumoris genere factum ulcus tandiu apertum serveatur, quandiu venenatæ luis aliquid in corpore delitescere constabit. Hûc omnis aliorum quæ supersunt symptomatum cura dirigatur. Imprimis caveto ne venæ sectione perperam celebratâ, aut *cathartici* oculis adhibitis intus revoces quod in extremis resedit. Sic symptomatis indicantur quæ sint nocitura, quæ profutura sint, quibusque auxiliis vincere Natura possit;

Ergo Pestis curatio ex Symptomatis.

Domini Doctores disputaturi.

M. Franciscus Pouffe.

M. Camillus Falconet Regia virisquis Antæ Equestræ *Academiæ*

M. Alexand. Petrus Mator;

M. Thom. Bernardus Berivand.

M. Hyacinthus Baron.

M. Alexis Litre, Regia Scientiarum *Academiæ Socius*.

M. Ægidius Adam Chirurgia Gallico idiomate Professor.

M. Joannes - Niclaus de la Hire à Regia Scientiarum *Academiâ*.

M. Petrus - Joannes Burette Professor *Regius*, & à Regia *Nova* *mismatum* *Academiâ*.

Proponebat Parisiis, LUDOVICUS JOANNES LE THIEULLIER, Laudunensis, Baccalaureus Medicus, A. R. S. H. 1724. à sextâ ad meridiem.

Typis J. QUIVLAU, Universitatis & Facultatis Medicinæ Typographi